



PRIMA SESSIONE URDINARIA DI U 2024
REUNIONE DI I 25 È 26 D'APRILE DI U 2024
1ÈRE SESSION ORDINAIRE DE 2024
RÉUNION DES 25 ET 26 AVRIL 2024

N° 2024/O1/018

Question orale déposée par M. Saveriu LUCIANI
Au nom du groupe « AVANZEMU »

**UGHJETTU : PATRIMONIU CORSU : DA A DIFESA TURREGIANA A
L'ESIGENZA DI MEMORIA L'IDENTITA NAZIUNALE**

Sgiò Presidente di l'Esecutivu,

A simana scorsa, si sò intese tante reazzione pulitiche ingiru à a vendita è u scopu d'appigiunamentu di a torra di Tuminu. Parechji partiti, sindacati è associ anu sustenutu a deliberazione curagiosa di a cumuna di Tuminu chì s'hè opposta di pettu à stu prugettu privatu.

Megliu cusì, ma ci sia cuncessa d'interrugacci per sapè à quale tuccherà a prussima volta.

Chì per avà, nisun' cullettività ùn hà propiu i mezi, ghjuridichi quant'è finanziarii, d'impedisce o d'acquistà tanti è tanti bè oramai ruvine, à guaru, o prupietà private, for' di u patrimoniu naziunale, forse per via di scosse vechje, erede d'una storia paisana forse trascurata, intrecciata, inturcinata, intrisicata o sippuru trascurata.

Quì si tratta d'un edificiu storicu è militarescu, specificu d'un puntu di vista memuriale è architetturale. Di questi, n'hè pienu u nostru paese. Ma impatruniscesi di ste petre chì palesa i seculi di lotte è di vita d'un populu in qu'à è in là, à spizzichi, ùn basta propiu micca. A sapemu noi tutti calati in st'emiciculu cum'è a si pensanu eletti, militenti associativi o pulitichi fora, cum'è a ponu bramà tant'altri, cittadini o paisani, chì pratendenu à u mantenimentu è à u spannamentu di a ricchezza patrimoniale, storica, culturale è ambientale.

Ma ùn ne simu digià più à u simbulu di Tuminu, n'è mancu à ramentà a difesa torregiana ! Capimuci bè per capisceci megliu : Ancu s'è l'acqua passata ùn macina

più, ci pare utile per ricordà à tutti a necessità di riacquistà, riabilità è mette in valore, inghjilocu, in Capicorsu o in altrò, stu patrimoniu materiale è immateriale. ne vogliu vene à ricordà solu fundami sacri, chì dicenu ch'ella ci hè quì una nazione ch'hà da rinasce, è ch'hà bisognu d'una strategia subbitagna, à nome di resistenza è d'esistenza d'un populu vivu.

Abbisogna quì è avà l'ambizione d'una strada per turnà à impatrunisceci di a memoria, cù ogettivi è mezi finanziari d'altu livellu.

L'attesa hè vechja ma u tempu corre è ùn aspetta...

O sgiò presidente, intantu, u bisognu d'essezza hè à mezu chjosu : chì cuntate di fà, prima à titulu cusì dettu cunsirvatoriu, ma, più in là, allocc'à a mudifica bramata è sperata d'un statutu d'autunumia, per dà un avviu decisu è putente à l'operata patrimoniale ?

U Riacquistu cantava in lu 1979 « sta Terra hè a nostra, nisun ci pò pretende, ormai ùn hè à vende, ùn vale à pattighjà ». Sin'à quandu ?